

瓶水齋主詩集

瓶水齋主詩集

餅水齋詩集卷九

上章渚灘

文待詔停雲牙印歌爲景裴明經作

不見停雲人猶見停雲字米顛書畫船蕭何刀筆吏搏象用
全力雕蟲出餘技其體錢稍寬其篆髮如繫瑛露垂垂非秋璧
月抱作珥朱文相綢繆碧落共遊戲狡獪具神通結構工次
第拾牙猶有慧削鐵殆無繼心取一陶詩面刻兩唐錄洞穴
開中央輪廓缺左際當年百縑求此日一屣棄割則刀豈鉛
享乃帚始敝明經母氏文實維待詔系不見停雲人猶見停
雲裔收藏此圖章示我有深意摩挲至再三流落無一二旣
以罕見珍矧且親自製不惟文采存兼亦精神寄熏以一瓣

香貯之三重
屈元暉得古章
陽冰參絕詣
摹印媿操刀
敘詩悵鼓柅
烟雲眼又過
泥雪爪難計
所期魚尾修
惠我蠅頭細
不見停雲人
猶見停雲記

歸興

記作長沙客
來時是去年
兩開籬下菊
一唱府中蓮
支料叨分鶴
當歌熟聽鶻
三生香界住
結此別離緣

臣里東牆笑
君山北渚愁
衙官騷一部
詞客淚千秋
燭跋催高詠
刀鐙感浪遊
鳥啼山杏樹
人掉木蘭舟

千佛經猶在
三宗論未成
禪機墮文字
棋局劫功名
嚼蠟原無味
磨甗倘有情
云何西笑意的
的未分明

薦士書何處
從軍筆未乾
昨非今豈是
進易退尤難
杜甫尋常債
王晞爛熟官
銀韉金搭膝
償得幾寒酸

遠訊雁鴻外私情鳥鳥餘草暉誰報荅菽水此馳驅天際舟
初識堂前夢不虛平生論巧拙齒冷賦閒居

杵臼梁鴻廡烟波范蠡鄉詩人歌蟋蟀流水寫鴛鴦歲晚遊
真倦歸遲話轉長鯉魚三十六未抵一黃羊

自喜還家近誰言去路迷避風辭楚北計日出江西更指嚴

州塢仍沿秀水隄梧桐鄉裏月曾照鳳雙棲

試問江潭樹如今又幾圍雨聽風葉下霜見雪花飛地迴依

人慣天寒送者稀沅湘香草綠誰解贈當歸

湘西雪夜與王大仁甫話別

仁甫時權澧州判官

蕭郎白馬舊從軍一檄飛揚兩袂分細柳絲邊還賸我妙蓮

華裏忽逢君離愁併壓孤篷雪情話重停別館雲珍重者番

官樣紙數行須直萬香熏

依人試吏各蒼茫直得相逢一笑忙此地衙官如屈宋當年
夜雨共瀟湘溫韜金搭初捫膝杜牧珠簾祇斷腸我是倦飛
秋社燕夢殘王謝舊時堂

春渚歸艍啟尙存白雲天際望龍門官居猶近東坡閣賓散

誰空北海樽

疏雨先生時守登州

乍喜折梅逢驛使偶爲芳草怨王孫

但教他日郎君貴行馬何妨老弟昆

吳根越角寓居偏愛買湘潭上水船別與彼時沿作例去仍

此路熟爲緣

余與仁甫黠楚兩別皆在仲冬時皆有雪又皆自醴陵達豫章至浙

采蘭嫋嫋州

無蟹行李恩恩樹有鵲今夕詩成當記取燭花前後酒花邊

奉別雨樵先生

曾從滄海抱琴回又詣雷門打鼓來不枉低眉捐故技果然

開口歎奇才

先生初贈詩之第一句云奇才有筆百不愁

摩挲風雨雙鉤劍跌宕

湖山一酒杯試現此身常說法妙蓮青向宰官開

異鄉同調對苾苾不許旁人說短長

時編湘西酬倡詩詞爲同調集而先生與余仍

兩序

天下英雄誰易與生平知己此難忘心相印處絲堪繡

手自鈔來錦作囊他日中州編集者谿南辛老鬢毛蒼

共來蹤跡兩萍浮獨去心情一水流江上客星尋舊路天邊

卿月照新愁相期卜宅陶元亮難得居鄉馬少游冷笑衡陽

峰外雁飛回猶有稻粱謀

行路一首再酬兩樵

學書學劍皆不成去學行路重行行居然足跡半天下時聞
杜鵑三兩聲東塗西抹南北走一囊驢背猶嫌輕有時覓句
私自笑豈凍可服饑能羹舊年還吳復入楚某山某水一再
經屈原既放賈誼少不意於此逢先生先生行路遠於我屐

齒所到詩俱迎方欣吹籥唱同調俄而扳柳嗟長征短歌送我既慷慨復有細律霏霏清贈人以言愛以德令我感歎心怛怛嗟我讀書本少得除此以外尤無能飢寒既至文字老甘旨恐缺筆硯精所求止此他不計矧非我力能縱橫小儒未讀十三經謬以科甲爲功名雞蟲得失天大笑且勿論失得亦平玉堂仙人畫省客彼有後福兼前盟其次三斗五斗米藉口毛義陶淵明豈知作吏大難事古之百里稱專城吏亦未讀十七史謬以簿領爲農兵割以操刀我之技擠而下石人之情誰掉慈航入宦海譬則長夜無燈藥先生彈冠治繁劇舊路歷歷崎嶇程廿年旣撓宰官網萬里忽倒孩兒紉偶然談虎色亦變焉知失馬魂猶驚浮雲富貴已空幻并此不得將奚營我謂官如弈棋耳先生此局無輸贏做官做人

日三復

來詩有倣官更
比倣人難句

語可爲佩心彌傾長言不足詠歎出

行路行路思躬耕他年相見勿道晚寶刀夜夜雌雄鳴

別景裴

人生聚散何茫然仙家稱劫佛曰緣散者再聚事難必理所
不解情能傳君先橐筆關隴外我方投筆牂柯邊當其天涯
而地角豈料今日相周旋無端泛棹共來楚旣來復去尤無
端類皆爾我難自主亦不與佛兼非仙旁邊揶揄一鬼笑暗
中傀儡千絲牽雨樵先生頗好事時以舊筆書新箋我旣見
獵輒有喜彼亦轉戰殊無前自從倡酬積卷軸棄之可惜留
之難君乃搖豪爲鈔撮上元細字如蠶眠今朝雪霽大歡喜
冷詩熱酒溫暾天題我新詠用我韻衡雲湘雨懷前賢吾轡
生世鮮百歲其慮遠在三千年海邊釣竿山上笠彼此名姓

相牽連君且小住香草國我且歸掉沙棠船緣深劫淺會相見願君痛飲還加餐

湘東鎮見梅花

湘水凍玻璃到底不及尺低頭波未綠擡頭花已白花如開鏡中數點不可摘浮香清鶴夢照影壓魚脊昔讀離騷經此花未采擇楚詞無梅短艇雪後來偶然見姑射相思隴頭人一樹吹橫笛沙岸暮沈沈寒鴉送殘客

萍鄉道上作

行行重行行何似萍鄉萍三朝三暮上下水十里三里長短亭車如雞棲馬如狗三年皮骨空奔走桓子劉郎柰若何前度桃花昔年柳光陰似箭天張弓日月兩丸飛海中海中浮萍君不見浮萍又過萍鄉縣

思習泊舟閣皂山看雪竝寄雨樵

挂帆宜春臺卷帆閣皂山山花散天女夜半來
姍姍曉弄小粉鏡瑤簪排霧鬢流盼兩銀海縹緲
虛無間客擁布衾鐵春夢不可關雞聲隔茆舍篷
背如弓彎空山有流水宛轉碧玉環

茲山何以各顏色黑於皂施粉則太白不如本來
好昔人悲染絲一入不再縞我亦浣衣塵緇者長
安道澡豆如予何相逢苦不早金成河可塞麻姑
雙鬢老玉立新崢嶸鐵圍舊栲栳誰將瀛洲雨飛
灑蓬萊曷又如卓文君彈琴怨凡鳥一唱白頭吟
遠山不能埽

聞聲疑雨聲對影疑月影推篷破疑團一雪四山
靜頗憶定王臺有雪三萬頃險韻仆鼓旗劇語調
湯餅更爲古雪歌蓮

金九齋詩集卷九
五
花夢香冷離別已三商清涼又一境開船駒過隙削札雁回
嶺凍眼送積雲思君轆轤井

豐城劒池行

鑄劒鬼神泣埋劒蛟龍愁雌雄夜相語后土夫人不肯收上
訴真宰九萬里斗牛之間轟然起鬱鬱古花綠英英元氣紫
電絲霜片射眸子石破池空劒光死干將莫邪翦鵬鵠龍泉
太阿秋水飛華陰山前一色土天風晔晔妃呼豨柰何一躍
襄城馬再化延津龍車乾海水見底空黑灰慘澹雙芙蓉陰
陽不濡鬪體血上天入地無分別十年霜雪爲誰磨兩氣金
銀凝望絕君不見豐城劒池有一穴

徐孺子墓

思賢亭外舊松聲腸斷功贇一櫺橫曾讀南州高士傳喜無

東漢黨人名蒲輪委巷來遲暮絮酒天涯隔死生如此風標
今更少西山殘照不勝情
桓靈之際道雖窮知遇猶然屬數公抗疏功名憶胡廣班荆
言論見茅容朝端大樹繩難繫門外生芻谷亦空若遣中郎
碑有道也應無媿郭林宗

除夕泊衢州城外

夢想青霞好洞天重來飄蕩又今年載人夫壻還鄉少腸斷
江山縣裏船
三衢鐙火水粼粼鬢影衣香隔夜春令夕連檣江上泊世間
大有未歸人

重光作盟

自龍游渡江輒爲小詩書於船窗

臘雪凍猶積春波淺未生龍邛人不見兩岸轆轤鳴
新婦岩前月初三夕影垂江流蕩明鏡上下雙蛾眉
蘭谿水最清桐廬山更好置身山水間何妨行路老
袁州隱袁京嚴州隱嚴光逃名不逃姓故人非故鄉
羅隱江東去方干巖際居早知釣詩苦何不學釣魚
彎弓射潮頭錢王一何怒王如不射之潮亦終須去

皋亭山

皋亭山下雁初征羅刹江頭潮未生一嶺鳳凰收王氣半堂
蟋蟀死秋聲時危可笑纔開府事急何妨且背城略似數峰
青峭後至憐南土盡虛名

下更入鶯脰湖舟中逢雨憶薏園師詩有吳江二月真堪畫柳
暗花明鶯脰湖之句正此景也時方作張掖書寄師因

卽事奉懷云

向晚扁舟聽鷓鴣十年鐙影落江湖那從暗柳明花處補寫
吳江二月圖
隴首飛雲隔幾塵梅花羌笛弄青春杜陵舊雨還惆悵況是
當年載酒人

清河雨夜沈松廬觀察席上出觀所藏管夫人畫觀音
真蹟長軸走筆作歌

酒酣以往河有聲又聞黃絹挑青鐙低眉忽現觀自在押尾
自書管道昇人間不見一切佛以意爲之得彷彿衣上猶拖
南海雲懷中儼抱西天月細參色相尤莊嚴牟尼纓絡相穠
纖落手已知管雙下駐頰不用豪三添我生未受菩薩戒少
所見者多所性似此樓臺彈指尋不妨衣鉢低頭拜三更卷

畫濕鼓撾主人留客胡牀斜乞將甘露灑楊柳會有香雨飛
袈裟

滕縣

滕於七國際壤地誠叢爾計絕戰守和必自仁政始法雖未
可行事出不得已實欲借虛名飾智驚愚耳否將爲眞王何
待王者起固知孟子心在彼不在此許行一楚僮來爲反間
使父老話農桑安用親耒耜赫赫者無功沾沾者自喜慮始
難圖終齊楚兵至矣

趙北口有作

爾許微波著點塵塵紅波綠兩層春五年蹤迹全無我三十
功名大有人種亦思量前度樹徙誰忘記後來薪驢夫狂走
漁翁睡動靜居然各有因

宋宮人餞別汪水雲處

金臺秋老視刀鐃醉殺斜陽上酒顏四塞山河新杜宇六宮
詞賦舊陽關梅花信好憑誰寄楊柳烟銷忍更攀二十九人
都是客不堪疊唱念家山
來時荆棘臥銅駝天上星辰一刹那
水雲留北十二年別淚可能填
碧海夢魂從此渡黃河南朝詩史青山在北鄙琴聲白髮多
爲問會稽唐義士冬青花發近如何

汪至山孝廉兩室遺挂索題一爲原配氏許錢塘人其
繼娶宛平氏王余之從甥女也

錦瑟無端一再彈畫眉容易返魂難烏衣門巷曾相識青鏡
年華忍重看肯向湖山招一鶴
至山時未有子最愁烟霧隔雙鸞香
鐙悵望靈符祕縱有仙山亦渺漫